

10067
:38



皇朝文獻通考卷五十七

選舉考 十一

舉官

乾隆二年奉

諭旨道府等官皆屬親民要職必才幹素著廉潔自持者方克勝任是以

皇考當日曾令督撫兩司各行保舉今朕仿照此例著於

各省道府官內令督撫藩臬各舉所知保舉一二員或二三員俱各密封具奏不得會同商酌如所保之



人不當日後劣蹟敗露將從前保奏之上司一并懲

治

三年奉

諭旨國家宣猷敷政首重得人而以人事君公爾忘私者乃人臣之大義况身列九卿受恩深重彼徇情妄舉者固不足言而視為具文苟且塞責者亦大虧薦賢為國之道也昔我

皇祖

皇考延攬羣材常降九卿保舉之

旨其濫舉非人劣蹟敗露者每加嚴譴以示懲儆朕臨御

以來亦間有所諮訪冀收得人之益日今各省督撫

皆出朕心斟酌簡用其藩臬二司陸續調來引見亦

知其大概至於道府等官乃方面大員職任緊要日

前為州縣之表率將來即可遞進於兩司所當留意

於平日以備擢用於臨時者著九卿將可為道府之

人各舉所知秉公舉出一二人或二三人用露章啟

奏不必密封大凡論人之道才品兼長固屬甚善但

二者不可得兼若才勝於品雖一時塗飾可觀而心

志不誠根本不固將來蕩檢踰閑必至難於駕馭若
品勝於才雖一時肆應不足而心術端方操守廉潔
將來擴充歷練必能不愧循良九卿既受國恩又奉
朕旨特行詢問其所舉之員將來除因公註誤情有
可原者不將保舉官處分外若以劣款被叅審實治
罪定將保官照濫舉非人例處分不稍寬貸

又奉

諭旨科道爲朝廷耳目之司關係甚重向來俱係各部
院堂官將合例司員揀選保送翰林院編修檢討亦

在揀選保送之例由吏部帶領引見朕親加揀拔用
爲科道此定例也但思部院司員及翰林編檢人數
甚多各堂官保送皆就伊等所見舉出統計一衙門
官員不過十之一二其餘衆員朕未經徧覽此中或
有可任科道而不在保送之列者亦未可定朕意欲
將例應考選翰林部屬等官一概通行引見司員每
口在本衙門辦事其才品之長短賢否該堂官皆所
熟悉著逐名出具考語有由州縣行取補用者亦著
註明卽著該堂官帶領引見至編檢官員職司文墨

其辦事之能否未經試驗無庸出具考語著掌院學士帶領引見朕自有鑑別現在御史員缺應行考選且記名之人即可備將來考選之用至於考選人員著各衙門於圓明園該班奏事之日帶領引見翰林院編檢人多分作三班部院酌量人數分班每班以二三十人爲率記名之後陸續交與吏部俟有御史缺出按其品級俸次開列引見候旨補授補用將完之日吏部再將如何考選之處另行請旨

又奉

諭旨守令爲親民之官最關緊要而邊疆之地民夷雜處撫綏化導職任尤重查雲貴諸苗向在王化之外爲害於地方近來改土設流漸次安輯然瘡痍初起元氣未復必得循良之員恩信兼著調劑咸宜者令其心志帖服然後可以久安於無事近時督撫於苗疆重地多擇能員以資彈壓殊不知矜才喜事之輩飾文貌以欺耳目圖聲譽以求陞遷非有實心實政以爲撫綏化導之本究於苗疆無所裨補夫苗夷雖極頑悍然亦具有人心非不可至誠感動者果得廉

靜樸質之有司視同赤子勤加撫恤使之各長其妻孥安其田里俯仰優游一無擾累諒無有不可以革面革心者嗣後遇有苗疆要缺應令該督撫慎選賢員以居其任三年之後察其漢夷相安羣情愛戴者保題陞擢以示優獎其有恃才貪功者雖有才幹不得輕任以滋事端

四年吏部奏請照例行取直隸等省知縣二十一

員奉

諭旨朕恭閱

皇祖實錄內載康熙二十九年吏部以行取知縣事照例具奏欽奉

諭旨行取知縣以科道用者甚多科道職任關係緊要著九卿各將平昔所知學問優長品行可用者秉公舉奏尋據尚書都御史侍郎等於部屬知縣內舉出十二人時彭鵬邵嗣堯陸隴其趙蒼璧俱著以科道用此次考選至今稱為得人今屆行取之年各部屬州縣內如陸隴其彭鵬等治行卓越者諒不乏人著尚書都御史侍郎遵照康熙二十九年之例各將平日確

身事文獻通考 卷五十一
知之員秉公保舉候朕簡用此外例應行取之處仍
照常舉行

五年奉

諭旨從來爲治之道首在得人故書美闢門籲俊之風
易著拔茅連茹之盛詩曰濟濟多士禮曰或以德進
或以事舉或以言揚蓋自古邗隆之世君若臣所以
加意於興賢育才者固如此其切也朕臨御以來時
以得人爲念不憚再三諮訪而所謂出衆之才足以
慰側席之求者則未嘗概見昔在

皇祖時如湯斌陸隴其輩學術純正言行相符陳瓊彭鵬
輩操守清廉治行卓越此數人者允爲一時之望至
今稱之夫以天下之大人才之衆豈無有與此數人
頡頏者旁招俊乂朕心惟殷舉爾所知廷臣是賴况
大學士九卿等受國家股肱耳目之寄自當留意於
平時盡以人事君之義其有真知灼見者秉公舉出
以備朕採擇焉

六年揀選八旗護軍前鋒分發補用凡八旗護軍
前鋒人等除候本佐領下護軍校驍騎校等缺補

用外向會於此等人內揀選補用綠旗守備千總
茲奉

諭旨著八旗護軍統領前鋒統領於護軍前鋒內每旗
各揀選四名帶領引見內務府總管於內務府三旗
護軍內每旗亦各揀選一名帶領引見分發步軍統
領及兩處

陵寢總兵官令其在千總上効力行走

又奉

諭旨直隸山西沿邊地方綠旗員缺補用滿洲官員原

議五年期滿調回京城於伊等應陞旗缺補用但年
滿回京所習營務盡皆廢棄嗣後此等人員內有賢
能者於伊應陞缺出聽該總督提督保題補用其所
遺員缺由京補授旗員前去則伊等俱各鼓勵奮勉
而後人陞路不致壅滯

又奉

諭旨各省知縣保舉行取皆係居官素優者始膺此選
若專以主事陞用缺少人多未免遲滯嗣後此等人
員各省督撫有以同知題補者亦准兼用

七年奉

諭旨朝廷定有行取一途原欲州縣內陞使知部務部屬外用使知民情且此等人拔置言路亦能通達事體有所獻納近來因行取人員陞補無期令其在任候陞於單月補用主事究之缺少人多得用部屬者甚屬寥寥自應酌量疏通其見在由行取在部之司官著該堂官秉公保舉候朕分別簡用至從前行取人員內大率拘謹守分之人多而明通幹濟之才少蓋由該督撫止照例將無參罰者咨送卽有揀選保

舉者亦不過以該省次等州縣塞責甚非國家立法之本意嗣後各省督撫當行取時務將有守有爲聲名卓越者舉出其有因公參罰者亦准其入選以收得人之效

又奉

諭旨近年以來外省保送年滿千總似覺過多伊等一時不能得缺未免轉致壅滯嗣後著各省督撫提鎮於保送時留心揀擇如果有才技優長及有軍功勞績者方可咨部引見毋得濫行保送

八年

敕大學士於編修檢討人員內有能勝知府之任者保舉引見

又給事中陳大玠奏滿漢選用御史將各衙門合

例人員咨取彙齊考試從之以時值溽暑難以考

試

敕吏部於立秋後請

旨

又監察御史李清芳奏選用御史應令吏部將合

例人員奏請考試引

見不得專重保舉得

旨允行

又奉

諭旨武舉內有隨帮効力年滿人員應以衛千總用者

其選用之法按其從前揀選等第分班銓選一等人

數無多選期尚速其二等者有數十人三等者多至

二百餘人每年選用不過三四人甚為壅滯朕思衛

千總與營千總雖屬有間但武職人員俱尚技勇亦

當及其強壯之時而用之且此項武舉既係隨幫年滿非閑散武舉可比若遲至二三十年之久方得錄用未免精力就衰難爲國家宣力所當酌量疏通著該部詳悉妥議具奏尋議一等者人數無多補用亦速自應毋庸置議請將另班移於二捐班之上改用二等隨幫人員所有二班均請借與三等隨幫人員補用其本班援例人員倘有赴部投供者則先儘本班人員補用如無赴部投供者仍以三等人員補用從之

九年奉

諭旨向例官員告終養者俟養親事畢方得補用但旗人回京與漢人回籍者不同或在旗在部皆可補用以備驅策永泰到京著該處帶領引見請旨嗣後旗員告終養者悉照此例行

又准武職因病解任照文職之例回籍調治病痊之日令原籍督撫驗看送部

上念此例未定之先亦有因病不能留於本省照例告休者其中或有年力壯盛屢次出兵著有勞績病

痊之後坐致廢棄行文各省將從前因病告休之
遊都守備等官回籍調養今已痊愈而年力尙壯
曾經隨師顯著勞績領有部劄議敘者俱令原籍
督撫驗看一體送部引

見

十二年奉

諭旨從來親民莫切於縣令而知府表率一郡職任尤
重欲望其政平訟理易俗移風非久於其任不可漢
宣帝詔曰太守吏民之本也數改易則下不安民知

其將久不可欺罔乃服從其教化誠至言也朕臨御
以來念保安元元守令最要曾向直省督撫屢降諭
旨但未定有成例俾得遵循是以未見實效卽如州
縣中才具稍優者督撫或奏請調繁或題補陞用知
府則薦擢監司在督撫爲官擇人練達之員試有成
效駕輕就熟自較初任爲可觀究之缺有繁簡職守
則一繁地固需能員簡邑獨無民人社稷之寄乎知
府賢則屬縣各修其職監司體制雖隆而所職不過
分巡轉核或專司鹽糧轉不若知府之責有專成與

屬縣較爲親切今以能勝繁劇之知府擢任監司反若置之閑地不得盡展才猷且此題陞題調不過幹辦敏捷一時見長未必皆古所謂悃幅無華日計不足月計有餘循良之選也卽果係循卓人地相宜而此地得一良吏卽彼地失一良牧孰非赤子孰不當善爲撫字而顧數數更易乎况能員旣得優加陞調則熱中躁進之員惟是逢迎上司要結取譽以祈速化又安望其留心實政盡父母斯民之道也但榮進之念人情不免若非定有成規示以獎勵則歲月淹

久必致自墮志氣而吏民無識亦謂其不爲上司所物色或啟疲玩之習不足以鼓舞人才振起治術漢時守令治行優異輒以璽書勉勵增秩賜金寵以車服有爵至關內侯者兩漢循良冠越唐宋今或仿其意而行之守令實能爲地方興起教化勸課農桑興利除弊發奸摘伏阜安閭里者定以年限或予以紀錄或加級或加銜食俸仍留原任在恬靜自守者旣得從容展布以收績效卽躁進之人亦知格於成例不致視一官爲傳舍並可潛消奔競陋習於吏治人

心不無裨益嗣後直省守令除特旨擢用暨該地方情形不得不奏請調用者許其酌量聲明保奏外其如何酌定年限示以優敘俾可久於其任下大學士九卿議行尋議嗣後應題缺出必本任內歷俸五年以上方准揀選題調如此則守令自知歷俸有年方能題調不致粉飾目前希圖躁進而本任之事可以實心實力從容展布日積月累官與民相習民與官相安矣然寬其歲月固得收報最於循良而罔示旌揚又無以樹風聲於有位洵如

聖諭賢能守令宜加優敘以示鼓勵并請嗣後知府直隸州知州府屬知州知縣應令該督撫每於年底細加訪察將會經陞調各員在任又滿三年才守兼優政績卓著保題到部知府加副使道銜直隸州知州加知府銜知州加同知銜知縣加通判銜註冊遇有應陞缺出准其卽行題陞

十三年奉

諭旨現在應陞三品京堂之滿漢人員可膺陞擢者甚少應廣爲儲備以資簡任著滿漢大學士尙書侍郎

皇朝文獻通考 卷五十七
秉公據實各就平日所知指名保舉具摺奏聞吏部彙齊帶領引見候朕簡用如無真知確見之人不必勉強塞責

十四年奉

諭旨各部侍郎職貳六卿必須預選勝任之員以備臨時簡用從前曾降旨令大學士尚書各舉所知密行保奏朕思登明選公何以密爲有滿漢大學士尚書再將能勝侍郎及三品京堂人員侍郎等將能勝三品京堂人員均各舉一二人不必過拘資格務須克

知灼見毋濫毋隱

又奉

諭旨從前降旨令各省督撫提督於所屬副將內保舉堪勝總兵之員經各督撫等陸續保奏朕調來引見人皆平常並無傑出之才朕於其中簡擢數員亦祇將就錄用總兵爲將領之統率必須才具出衆乃能勝任今遇有缺出一時難得其人著該督撫提督等再於所屬副將內擇其實在堪勝總兵者各保二三三人倘副將內乏人卽於叅將內揀擇亦可該督等不

得以中平之人濫膺茲選亦不得因朕有此旨遂委之無人以圖規避務須實心遴擇據實保舉具摺奏聞送部引見俟朕酌量簡用

又奉

諭旨朕御極之初曾令查辦廢員許於都察院具呈核明情由彙奏帶領引見至乾隆元年一年之間已及三千餘人經大學士徐本奏請停止朕思廢員內不無才堪驅策之員十餘年來未經查辦應將因公墜悞內外滿漢人員照例降革未經引見者吏兵二部

查明情節奏聞請旨朕另派王大臣察核驗看分別帶領引見其降調人員未經得缺守候年久不得及時効力者亦著一體查辦尋經吏部奏明文官布按以上并京官京堂翰詹科道兵部武職副叅以上及八旗武職大員俱不在查辦之內旋奉

特旨一體查辦

十五年奉

諭旨朕前令督撫提臣保舉堪勝總兵人員冀得良材以備名將之選今於引見時觀其人材弓馬勇力頗

少當意大都不過因其資俸可到遂以充數幸而擢用則可邀其感激以搪塞應故事耳總兵統率一鎮豈容輕授如目今所舉不特不能十得七八并不及五六豈朕所望耶督撫身任封疆辦理一切政務無論大小必當以實心從事卽如年滿千總一項類多猥瑣不足入目蓋充伍之初以及揀拔外委該營弁未能一一秉公雖經督撫考驗率以其微末也而忽之且或以其年久姑容遂不加駁正獨不思今之年滿千總非卽異日之將弁乎國家擢用武職營伍實

爲正途拔補將弁不選之若輩更何從挑選乎由于總而守備而都司遊擊緣次而陞膺干城腹心之重寄要皆自年滿千總始則欲以儲養人材慎重將弁亦當於送部引見時早爲留心折衝禦侮之用必預籌於昇平無事之日不可視爲緩圖漠不經意也

諭旨十六年奉

諭旨向來分發各省人員由吏部堂官揀選引見雖該部職掌所在然未足以示慎重嗣後除特旨交部於次日卽行引見者仍由該堂官揀選外其餘凡有揀

選之處該部將滿漢大學士九卿并該部堂官一同開列候旨特派大臣揀選交該部帶領引見著爲例又奉

諭旨向例直省知縣三年行取一次吏部按期奏請康熙雍正年間少舉多停當朕臨御之初臣工中有援引成規入告者朕以舊制可循勅部議覆旋經准行由今觀之此特相仍故套而於吏治人材毫無裨益所當永行停止蓋此制始於前明其時專重資格按俸遷轉不得不以部用一途疏通壅滯而亦銓部漁

利之一途也今則直省州縣定缺陞調其途甚廣凡有才能傑出之員督撫無不保題擢用常有要缺懸待一時不得合例之人而越格奏請者在此時之州縣實無壅滯之嘆督撫於地方能員亦無不欲其駕輕就熟收臂指之功遇有隔省陞調往往爲之懇切奏留未肯令其遠離原任且繁劇之任叅罰必多凡所謂無事故合行取之例者大率庸流居中簡之缺尋常供職幸免處分者耳卽以銓補部曹多屬迂踈潦倒了無出色在該部又無得力之處况縣令身膺

民社百里之寄任旣非輕才亦可展使其果屬賢員方議令久任以責成效而部曹分局一司遇事簡之缺無所表見長才處此轉覺用違其材若謂司員當由邑令陞用深知民生利弊於部務有益此又不然部務責成自有尙書侍郎夫尙書侍郎亦惟視其才識勝任否耳何必曾任邑令方知民生利病豈非所謂學養子而後嫁者耶若必待行取之人敝歷多年方授以總理部務之任此尤事勢所難行試觀我朝九卿無論滿員卽漢大臣中多由翰院陞用起家縣

令者幾何人外而督撫起家縣令者又幾何人可指數而知其爲拘墟之論矣此實向來沿襲具文揆之當今之務亟須改絃無庸守轍所有直省知縣三年行取一次之處著永行停止至科道近列臺垣優絀尤爲易見自可不時擢用而定例內陞外轉給事中則一年一次御史則一年兩次每逢奏請時自康熙雍正年間以至今日亦率降旨停止者多每年徒增此題奏繁文於治理亦復無益嗣後內陞外轉著三年舉行一次著爲例

十七年奉

諭旨從前保舉副都統人員陸續補用今將次用完著照前保奏此次保舉不得仍前自行題奏如領侍衛內大臣處則於該旗侍衛內公同保舉都統副都統則於該旗叅領內會同保舉左右翼及護軍統領處則按翼在於前鋒章京護軍叅領內公同保舉圓明園健銳營章京則令該大臣保舉如本旗不得其人於別營別旗內有深知真切者亦可保奏其保舉人員於奏聞後該部彙齊帶領引見

臣等謹按八旗滿洲蒙古揀選補放侍衛成例凡領侍衛內大臣缺出將內大臣散秩大臣八旗滿洲蒙古都統前鋒統領護軍統領外省將軍職名開列具奏補放內大臣缺出將散秩大臣職名開列具奏補放散秩大臣係奉

特旨補放至侍衛班領委署侍衛班領侍衛什長缺出俱於侍衛內揀選補放頭等侍衛缺出於一二等侍衛內揀選補放一二等侍衛缺出於三等侍衛內揀選補放三等待衛缺出於四等待衛藍翎侍衛

上三旗閑散官員閒散覺羅大臣子弟護軍校驍騎校等揀選補放四等侍衛於藍翎侍衛內揀選補放仍入於藍翎侍衛額數藍翎侍衛缺出於領侍衛內大臣衙門筆帖式執事人前鋒親軍護軍等揀選補放宗室侍衛缺出行文宗人府於所送宗室內揀選補放我

朝滿洲蒙古大臣多由簡選侍衛薦躋巍班若宗室子弟若勲舊故家以及閒散人員中英傑蔚興賢材輩出其入侍宿衛

特膺簡畀外而任封疆內而資輔弼者後先相望謹詳識其選補次第如此

又奉

諭旨吏部以此次各部院保送道府滿洲郎中僅止三員輪用滿班不敷銓用請以滿郎中陞用道員滿員外陞用知府一摺固屬因時通變之道然國家用人內外一體在外則地方爲重在內則曹務攸司何必亟資外補始足展其才力近年滿員送保外任者多以致各部院諳練出色之司員漸少其見任同知通

判州縣內俸滿而未得陞用者則不乏其人當酌爲
疏通嗣後除特旨除授外滿洲司員保送道府之例
著暫行停止俟數年後朕酌量滿司員應外用之處
照所議行

十八年奉

諭旨前經降旨令各省督撫將同知直隸州知州能勝
知府之任者秉公保薦奏聞引見據該督撫前後奏
到摺內往往有保舉一人塞責者此特慮將來罹濫
舉之咎自爲地耳如薦賢爲國之義何或因前旨有

在任二年一語難得合例人員今不妨稍寬其途從
前

皇考時遇才猷傑出之員竟有由知縣逾格陞用知府者
其令各督撫再通行保舉一次如同知直隸州內果
有可勝知府者不妨不拘年限設又不得其人卽於
所屬知州知縣內擇其才猷出衆能勝知府之任者
據實秉公保舉送部引見以廣儲用

又奉

諭旨從前將八旗滿洲人員選用外省文武等官其蒙

古旗人分用部院者員缺本少是以外任未經議及朕思滿洲蒙古均屬本朝世僕伊等於外任分缺銓用之處亦宜量予疏通見在滿洲司員陞用道府既經暫行停止其文職同知以下著將蒙古人員與滿洲一體揀選引見選用武職副將以下著就滿洲應得缺內酌予十分之二其分班輪選之處下吏部議行

又奉

諭旨武職兼銜乃沿明代舊制其中陞銜陞任條例紛

繁卽以敘錄軍功不可不留此勲階以爲獎賞之地然與見任職事何與焉徒使胥吏得以高下其手且外省叅遊遇陞銜調任畏其遷移繁費至有營求督撫保奏留任者是陞銜本以鼓勵戎行而日久轉爲苦累亦何用此虛文爲也嗣後武職中之大銜小銜應作何刪除更定著該部詳議其軍功給劄及漕運河工議敘之處一并酌定具奏尋議叅遊都守各缺悉按等級以次推陞必須多寡相稱庶不至於壅滯查各省叅將共一百六十二缺遊擊共四百五

十缺都司共三百四十八缺守備共八百一十八
缺向例加署都司銜以上之守備卽陞遊擊是遊
擊都司雖分階級在守備尙可兩途陞用今加銜
既議刪除守備止應陞補都司未免遲滯無如於
遊擊守備內酌改都司八十缺則守備之缺倍於
都司都司之缺多於遊擊約計一二人守候一缺
陞途寬展於營員實爲有益至內河水師人員止
於水師人員內自應較俸陞轉不必加銜其外海
水師及河營官員嗣後應仍聽各督提酌量題補

旨
無庸與陸路較俸其軍功議敘人員無庸給與虛
銜所有軍功加等次入於劄內遇應陞時仍以一
年作年半較俸其有功加守備應儘其先行陞補
以示勳階優異之意至運糧衛弁定例遠省計運
東加銜近省計運紀錄今請將加銜改爲加級准其
隨帶餘如舊例至營衛各官照缺食俸一切劄付
自應按缺頒給其千把兵丁得有軍功亦止開明
功加等次給與劄付應行令各督撫提鎮將原頒
兼銜各劄繳部查銷另行換給以昭畫一從之

十九年奉

諭旨各省保舉堪勝知府記名人員陸續簡放見在所餘無幾而道員缺出亦須請旨補授著於滿漢翰林科道部屬內令各該堂官將堪勝道府之員秉公保舉交與吏部帶領引見以備簡用

又大學士傅恒等奏國子監八旗期滿教習保列一等以知縣用仍留教習之員遇有揀發之處請與二等在部候選之員一體報名挑選得

旨允行

二十一年吏部議覆山東巡撫白鍾山所奏曲阜縣知縣改爲題缺一本得

旨闕里爲毓聖之鄉自唐宋以來率以聖裔領縣事夫大宗主鬯旣以爵列上公而知縣一官專以民事爲職奉法令則以裁制傷恩厚族黨則以偏私廢事甚至因緣爲奸簠簋不飭者有之且亦非古人易地而官之道我國家尊崇

先聖遠邁前朝延恩後葉有加無已豈於此而有靳焉但與其循舊制而致瘵官有乖政體何如變通宜民

俾吏舉其職民安其治於邑中黎庶孔氏族人均有裨益著照該部所議行其見任世職知縣既已謝事若歸部改銓不過恩及其身而止於朕心猶有未嫌著加恩授爲世襲六品官仍令揀選充補用副重道崇儒至意

二十二年奉

諭旨總兵一官有表率營伍彈壓地方之責每遇缺出甚難其人前經降旨令各省督提將堪勝總兵之副將各保數員以備簡用年來漸次陞擢所餘無幾再

著各省總督提督於見任副將內歷俸五年以上勝任總兵之員各保一人或二人亦可其叅遊都守等官如果才畧出衆足膺專閫之寄不拘資格並各保舉一人一體送部引見以備將材

二十四年奉

諭旨見在西陲大功告成所有軍站各員已令該督撫等查明咨部議敘至此次遞送紅旗之千把外委各弁自軍興以來均屬按刻飛馳勤勉無悞應量爲優擢以示鼓勵著直隸山西陝甘各該督撫照各本省

道里遠近於沿途各弁中分別選擇內有行走奮勇人材可觀者以五人中拔取一人爲率出具考語送部引見候朕酌量錄用

二十五年奉

諭旨吏部引見揀發人員內捐班入選者居多雖爲伊等年力壯盛堪供差委起見但專以此爲去取則其餘科目挨班需次人員因此轉難與選人材不無淹滯嗣後遇各省請發人員時所有應挑各班內如服闕赴補人員原係會膺民社者自宜先儘揀用至各

項班次亦應隨才酌選每班各挑數人以備簡擇庶各員不致向隅而掄選益昭詳慎

又奉

諭旨前令各省保舉堪勝知府曾經保送記名而未經擢用者雖在引見時其人未必遽見出色但念人之才具不齊或非可一覽而盡在該督撫等試看有年自必知之甚悉此內如有真知灼見信其可勝知府之任者不妨聲明仍列薦剡以副獎拔人材之意

二十六年奉

諭旨西陲新疆初闢屯務方興現駐弁兵服勤率作殊
可嘉尙况於屯政尤所熟諳遇本處缺出卽以補授
在該員自必益加奮勉而公事亦屬有裨嗣後遇缺
需人應令管理屯務大臣卽於所轄人員內揀選陞
用不必移咨該督另行揀補以該員出守公入之
諭旨三十年奉諭旨舉人選用知縣需次動至三十餘年其壯歲獲售
者既不得及鋒而用而晚遇者年力益復就衰每爲
軫惜朕常中夜思維所以疏通壅滯之法因查每

科中額一千二百九十名統十年而計加以恩科則
多至五千餘人而十年中所銓選者不及五百人除
各科會試中式外其曾經揀選候選者尙餘數千經
久愈多隨成壅積而直省知縣員缺本祇有此數卽
使一時概行銓用亦屬缺少人多不能使人人皆紆
墨綬此固必然之勢也而不知者或歸咎於捐班之
占缺因復核計捐班所選每歲亦不過三四十人縱
令盡予舉班仍屬無幾見在捐例已停自可無虞占
缺卽或將來再議開捐其知縣一條不必載入捐款

至向來吏部截取舉人例由各省督撫咨送往往意存姑息不加甄別及至部選得缺經九卿驗看始以衰庸改補教職是督撫徒欲博寬厚之名使此等衰邁之人僕僕道途終歸無益所謂愛之實適害之也嗣後各省督撫於舉人截取領文時留心驗看如果實在精力已衰難膺民社者或該員情願就教卽於本省呈改以省跋涉之勞其有自揣耄齡不願就銓者並令彙冊咨部請旨酌給職銜以慰其寒窗積學之志明歲丙戌春闈各省舉人雲集當於會榜後特

派大臣分別揀選引見量其年力才具及時錄用其有科分已深非因丁憂事故自分年老材庸不願赴京會試者亦聽其自便其作何給予職銜如何挑選錄用及選班中更有如何可以疏通之處著大學士九卿會同詳議以聞副朕體恤寒峻及時登進羣才至意尋議嗣後截取舉人令各督撫秉公據實驗看其堪膺民社者赴部候選如果精力已衰情願就教者准其在本省呈改教職至年在七十以上衰邁尤甚自問不堪供職者免其調取驗看督撫核

實查明開列姓名年歲造冊具題恭候

恩旨賞給職銜此等舉人已經揀選原係候選知縣應請從優將小京官品級相當之中書科中書大理寺評事太常寺博士三項職銜由吏部分別掣定奏明請

旨給予伊等仰邀曠典得以京銜榮身至庚辰科以上准其挑選惟見任教職毋庸赴挑請按照前次大省四十員中省三十員小省二十員之數大省再加二十員共六十員中省再加十五員共四十五

積舉人之缺統計雙單月內即可多用八員又直隸州州同鹽庫等大使遇有缺出卽酌量以舉人間補從之

三十一年奉

諭旨向來各省知縣內有拿獲盜犯等案送部引見者朕加恩令回原任以本省同知知州陞補其無回任字樣者係一時降旨所未及並無分別於其間而該部卽泥成例祇令在部候選將原缺另行銓補不知此項人員原因其居官能事是以調取擢用俾得及

時自効若如該部所辦是徒有空銜而需次久淹非
所以示鼓勵嗣後此等知縣引見時以同知直隸州
知州用者俱著回原任遇有本省缺出補用其從前
在部候選之員均著發往原省以應得之缺卽行題
補至知縣十年俸滿引見以同知等官陞用者一體
辦理

又奉

諭旨昨因舉人壅滯特行揀選酌用此內有會試已經
中式而於新進士引見時歸班者其曾選入一等人

員少省再加十員共二十員帶領引見舉人班內不
見請

旨分別以知縣教職錄用其中分發以知縣試用者約
計亦不過十之五六在各省可以陸續請署請補
不致壅滯久候以教職用者數年內亦均可得旨
所有未經挑選之員其有年在七十以上精力已
衰難以入選者伊等科分既深轉不能一體沾恩
恩亦屬可憫此內如有情願得受京銜者應請查俸交
與派出大臣令其自行呈明查其實在年歲開列

清單奏明請

旨交部分別掣定給與中書科中書等項職銜查舉人

應選班次有知縣直隸州州同鹽庫等大使三項

銓例內知縣雙月用五甲五舉四捐三陞單月用

四補四捐四甲四舉共計雙單月各班內舉人應

得九缺捐班無人原以舉人抵補今既奉

旨將來再議開捐其知縣一條不必載入捐款除已捐

人員按班用完之後將捐班全用舉人是知縣既

無捐班其舉人抵捐名色應卽改爲舉抵班仍不

員著照新進士分發之例發往各省以知縣用二等

人員著先以教職用仍按進士原班銓選

又考選國子監學正學錄之制國子監學正學錄

先於乾隆二十六年准御史范梈士奏於會試薦

卷中量取錄用至是學正學錄缺出無合例應用

之員侍郎兼理國子監事陸宗楷以聞部議仍派

大臣考選引

見錄用從之

三十二年奉

皇朝文獻通考

卷五十七

三

諭旨向來外省請簡文職各員俱特派大臣揀發而武職則止交兵部揀選引見嗣後遇有請發參將以上人員著兵部臨時奏派大臣會同該部揀選帶領引見發往著為令

皇朝文獻通考卷五十七

皇朝文獻通考卷五十八

選舉考 十二

舉官

乾隆三十四年准學正學錄留監題補助教吏部議覆管國子監事侍郎德保奏稱國子監學正學錄等員向例歷俸期滿准其咨部以各衙門典簿司務等官補用原以策勵微員俾上進有階各知黽勉但其中有文理優長訓課有方著有成效者或遇推陞別缺伊等在各衙門仍不過循分辦公

於本監轉失一稱職之員似於公務未見裨益嗣後遇有應陞人員准臣等酌量請

旨留監俟助教缺出照例題補得

旨允行

又

諭朕在京月選州縣有掣籤後告病者准附於下月引見如下次尚未病痊該部卽行開缺至遇朕巡幸之前兩月有託病不卽引見冀歸下月驗放者一經具呈告病卽扣除開缺將來另選得缺仍著該部於帶

領引見時將該員原選缺分之遠近繁簡事樣一併注明候朕定奪如此則詭避之技無所施而銓選尤爲澄肅著爲令

三十五年

諭御史蔣日綸奏請禁督撫指名揀發人員一摺所奏頗爲近理督撫等差委需人既經奏請揀發則揀發之人儘可供其隨材委用何必於候補人員內指名請揀况伊等是否在京督撫何由預知形迹之間易招物議日久且恐漸滋流弊嗣後各省督撫請揀人

皇朝文獻通考 卷五十八
員不得於摺內指名附請

又

諭吏部將高晉奏請改教之陽湖縣知縣鄧世讓帶領引見看其人甚平庸實應改教及檢閱該員履歷從前係由教職保舉堪膺民社是以補授縣缺此與別項由知縣改教職者不同人之心術操守雖不易知然量其材質可否試以民社督撫等稍能留心察看不難立辨何至一人之身前後判然竟至如出兩人之理總由該上司並未實心甄覈徒以姑息市恩虛

應故事不惜貽悞地方所致倘不將原舉之人加以處分誰復知所懲儆嗣後由教職六年俸滿保舉知縣人員內如有復行改教者即將原保之督撫學政等一併議處著該部定例具奏其從前保舉鄧世讓之督撫學政等並著查明卽照新例行尋議嗣後由教職俸滿保舉知縣復請改教者將原保舉之督撫學政照保薦不實例降二級調用申詳之司道府州縣等官降三級調用加級紀錄不准抵銷從之

又

諭據總管內務府大臣奏兼攝茶庫之兵部員外郎五十三現陞禮部郎中請仍留兼攝庫務所奏不可行前因內務府人員習氣不好是以令六部選派誠幹司員引見兼管六庫俾相牽制此等兼攝之員若令久於其任則不但不能糾察轉恐沾染積習彼此聯為一氣殊非派員監理之本意嗣後六部人員兼管六庫者並定限三年更換一次其有陞任等事總管內務府大臣概不准留著為令

三十六年

諭前諭各省督撫將州縣陞授京職人員填註切實考語送部另班引見原欲為外省留熟練之員期於吏治有益第思此例行之日久恐不免有流弊昨曾諭吏部將現任京員中由卓異等項內陞者查明帶領引見並予甄錄記名備用自無慮其終滯曹司亦可無庸預為別擇所有月選內陞人員督撫出具考語送部之例可不必行嗣後吏部將此項人員每三年查辦一次列名帶領引見候朕量加錄用著為令

皇朝文獻通考 卷五十八 四
定各衙門小京官保送同知通判例吏部議太常寺卿謝溶生奏贊禮郎讀祝官由監生官學生出身保送撫民同知通判請照親軍校出身保送理事同知通判例俱歷俸三年經京察一等方准保送請嗣後讀祝官贊禮郎鳴贊及各衙門小京官凡遇咨取撫民同知通判時該堂官於京察一等人員先儘保送此外實有能識文義辦事明白之員歷俸在三年以上者不拘等第一體保送寧缺毋濫從之

又人員內...
諭向來翰林院侍讀侍講學士及侍讀侍講中允贊善等官有需次候補者例俱坐補原官不得通融借用此等詞曹清秩額缺有數一經回籍至來京應補時輒格於成例未免守候需時因思讀之與講繫銜雖殊品秩相等而漢缺中允贊善亦非若滿員之銓用殊途分別五六品頂帶者可比從前坐補之例未免過於拘泥卽稍爲變通於體制亦無妨礙嗣後此等候補人員讀講中贊准其各自通融補用著爲令

又

諭嗣後如朕巡幸時遇有預保千總咨送到部即著留京辦事之王大臣照外省送到年滿千總之例驗看分別註冊給咨令其即回本任毋庸在京守候

三十七年酌定挑取中書學正事宜先是三十四年刑部侍郎錢維城奏准考取內閣中書前經御史條奏吏部定議於己丑科會試薦卷內及

欽取朝考引

見未用人員內挑取薦卷挑取字畫須憑墨卷而墨卷

省分坐號向係彌封榜發之後下第舉子坐號及曾經得薦不難查知或生希冀請於發榜日主考官官填榜後先行出場知貢舉及內簾監試率同彌封官將各房薦卷查出墨卷逐一彌封封固奏請

欽點大臣閱取先行奏

聞俟

朝考引

見後一併挑足帶領引

見

欽定名數挨次錄用又禮部奏准考取學正學錄原議

於會試薦卷內與中書一同辦理今中書既另請

欽派大臣錄取其選擇學正學錄之處請一併交

欽派大臣於會試薦卷錄取中書額數內酌量寬取十

數名帶領引

見恭候

欽定又禮部奏准內閣中書有撰文繕寫之責文理固

宜明通字畫尤須端楷前議於薦卷挑取亦屬慎

重之意第查各房薦卷原以硃卷為憑字畫之工

拙本不能知多有落卷內字畫堪以錄取因一二

文藝小疵未經呈薦者今僅將薦卷一項挑取硃

覺未盡請將各舉人墨卷不分會否呈薦俱交知

貢舉彌封省分紅號一併交主考官於出榜次日

赴宴謝

恩後仍即入闈將各墨卷校閱按數選取從之

又

諭昨兵部將揀發雲南武職人員帶領引見內由綠營

漢官揀用者止有一員詢之該部因向來遇有揀選漢員內合例者甚少未經保送到部是以多將各處保送之滿洲人員揀補但思綠營將領雖屬滿洲參用亦必須所占員缺多寡適均方合體制若似此概將滿員揀發行之日久勢必綠營盡成滿缺非所以廣掄選而勵人材卽或成例稍有窒礙難行亦何妨斟酌變通俾武臣登進之途益昭公允卽交兵部將揀選武職人員詳悉議行

三十八年定商籍迴避寄籍之例廣東陞任布政使姚成烈條奏嗣後商籍中式之員咨回各本省照寄籍之例於截取赴選文結內聲明咨部註冊俟銓選時查核迴避下部議行

改設巴里坤府州縣各官大學士九卿會議巴里坤遵

旨改爲鎮西府宜禾縣烏嚕木齊改爲迪化州俱係邊遠緊要滿缺令該督於陝甘兩省滿員內揀選調補其安西一府地近嘉峪關較巴里坤更居內地應改爲安西直隸州并州同州判等官俱定爲邊

缺於內地對品調補五年俸滿以應陞之缺卽用

從之

謹按嗣後陝甘改設各官均照此例

定翰林考選御史例御史唐淮奏考選御史所有翰林院編修檢討均俟散館授職後歷俸已滿三年方准保送從之

又

諭朕駐蹕熱河月選知縣內有經驗看大臣擬改教職者每改一員祇於正備中帶領二員引見若擬改兩員卽帶備班四員其餘毋庸概令前赴熱河至再備

人員更不必令其遠涉卽引見時有經特旨改教者其缺歸入下月另行銓補其現今擬改教職之員如情願前來引見者固聽其便否亦無庸勉強着爲令吏部議覆給事中富爾敏疏奏府尹一官管轄二十四州縣凡屬員陞調叅罰緊要事件與直隸總督會辦尤多請嗣後順天府尹府丞缺出凡籍隸直隸省人員概行扣除開列從之

定候補教職効用例吏部議准嗣後各省教職凡病痊終養以及丁憂起復人員有情願自效者准

皇朝文獻通考 卷五十一 十一
其赴省呈明聽候該督撫委用遇有缺出先儘二
等舉人再委候補教職

又准湖南巡撫梁國治條奏道府員缺緊要嗣後
道府陞遷事故懸缺需員署理者俱一面遴選妥
員委署一面隨時奏

聞從之

又

諭嗣後八旗陞選官員如實係親老不能遠離者得缺
後准其呈報該部聲明緣由帶領引見候朕臨時酌

量或以旗員或以部缺改用自無不可俟該員養親
事畢仍照伊原得之缺坐補其預爲地步巧行規避
之例永著停止著爲令

又

諭現在記名以副都統補用人員甚少副都統缺出頗
難其選從前曾有旨令領侍衛內大臣八旗都統等
於各該管侍衛章京內將堪膺副都統職任者各就
所知保舉一人著仍交領侍衛內大臣八旗都統等
照前降諭旨保舉於三日內封章具奏若該管處無

可保之人卽所知他處行走者亦可毋得徇情濫行保舉

更定推陞通判調取引

見給事中何日珮條奏在外推陞通判向例停其調取引

見通判職居府佐有督率屬員之責請嗣後通判一項亦令調取引

見恭候

欽定從之

三十九年

諭向來

陵寢總管原係京城應陞之人揀選帶領引見補授續因

朕憐念

陵寢翼長等俱係應陞之人而又無多陞缺令其來京與此處應陞之人一同帶領引見是以本地翼長陞授居多但伊等俱係本地之人補授後不無瞻徇庇護之處轉屬無益嗣後各

陵寢總管員缺仍著照舊例以京城應陞之人揀選帶領

引見

定本省鹽場批驗大使祇令商籍迴避浙江巡撫
三寶條奏鹽場大使批驗所大使如止籍隸本省
並非商籍者仍照舊毋庸迴避若係商籍之員於
起文赴選時在文結內聲明某省商籍咨部註冊
以憑查核迴避從之

令內閣中書由吏部帶領引

見御史穆精阿條奏嗣後內閣中書一項該衙門查核
合例後由吏部帶領引

見從之

定福建晉江等縣教職繁缺福建巡撫余文儀學
政汪新會題請將閩省泉州府屬之晉江安溪同
安及漳州府屬之龍溪漳浦平和詔安七縣學教
職照知縣繁缺分別調補從之

四十年定設揀選投供簿吏部議覆御史邱日榮
所奏各省請員揀發應以到部投供及供限已滿
人員方准揀選嗣後凡應投供人員另設揀選投
供簿未經投供者概不准預挑從之

定各部主事遇四缺後截留一缺吏部議主事一項因各部學習散館并奏明題補人員為數較多遇有缺出扣留題補未免多佔選缺請嗣後各部主事缺出以六部通計題補至第四缺後即截留一缺歸選奉

旨依議

又

諭向來馬蘭泰寧二鎮標遇有千把總員缺俱由各該鎮擬定正陪送部引見候旨簡補其未經補用之擬

陪各員下次雖得擬正亦尚須赴京引見今思此等微弁既經挑選擬陪原係可供錄用之人若下次遇缺擬陪再令來京師引見未免復勞跋涉嗣後馬蘭泰寧二鎮陞補千把總所有擬陪未用之員著該部記名下次遇有應補缺出即按次補用毋庸再行送部著為令

更定中贊陞轉例吏部奏查詹事府中允贊善二項例由修撰編修檢討陞任向無分別現在正五品之庶子例由從五品之讀講等官具題滿洲中

允亦烈由贊善陞用所有漢中允員缺請仿照滿
中允之例由右轉左並將左右贊善按次陞轉開
列具題從之
陞陝西布政使富綱奏請定直隸州員缺不准於所
請屬知縣內題補得旨出明欽此
旨允行

四十四年

諭朕向來駐驛熱河所有月選文武各員令該堂官帶
至行在引見如遇巡幸各省則月選之文員通判州

縣等官武員驍騎校千把等官卽令留京辦事王大
臣驗放不使選員久羈旅食以示體恤第王大臣驗
放除照九卿等所驗衰頹者照例改敘外並未見有
所更調固屬不敢擅專之意但缺之繁簡不同人之
能否不一若人地或不相宜當官卽不免於叢脞是
以朕於月官引見時每慎重甄核有年力强壯人尚
明白而掣得簡缺亦有人本平庸齒復就衰而掣得
繁缺者必爲斟酌對調以協量材授官之意今王大
臣於驗看月官惟恐更調易招物議遂爲依樣葫蘆

倘用違其才於吏治未為有益嗣後王大臣等驗看
月官見有人缺不相當者即為悉心商確酌擬對調
仍令派出之九卿科道覆看如意見相同即一體聯
銜具奏請旨遵行若九卿科道中有言尚未允協者
著吏部將所言之人記明并將擬調之員扣存候朕
回鑾後引見定奪其武職內有應分別營衛者亦一
體酌核妥議即自此次巡幸山東為始著為令

又

諭各部郎中員外俸滿截取知府時令該堂官酌量堪

勝繁簡分別出具考語保送引見其有不勝外任者
即行聲明留部各該堂官自應慎重甄別以副因才
器使之意乃相沿日久各部堂官於俸滿人員率多
徇情取悅惟戶部近日尚有列為簡缺及不勝外任
者留部亦不過一兩人其餘各部則多以繁缺保送
殊非核實辦公之道知府為方面大員於吏治民生
實有關係豈容以不堪勝任之員濫竽貽誤况各部
保送人員人有貪黷等事原舉之堂官處分甚重該
堂官即欲瞻徇情面寧不知自顧考成乎嗣後各部

皇朝文獻通考 卷五十一
堂官於俸滿截取人員務須秉公察核分別宜繁宜簡及不勝外任據實辦理不得仍前濫送又各部院司員補放御史向會禁止不令仍兼本衙門辦事嗣因各部院欲得諳練人員仍准該堂官保留兼原衙門行走誠以公務爲重特通融酌辦乃近年以來凡各部院司員補放御史者該堂官率以熟手奏留兼辦竟似成例相沿漫無區別於政體既屬未協且御史有稽察部務之責一經留部則兼吏部者必不肯糾察吏部之事兼戶部者必不肯糾察戶部之事其

他可以類推久之恐滋流弊嗣後由各部院改補御史者非實係練習部務必不可少之人該堂官不得擅行奏留著爲令

臣等謹按向來部員俸滿截取知府皆以繁缺保送又司員陞授御史仍兼辦部務經
聖明酌定庶薦不致濫邀而政體益昭慎重矣

又
諭嗣後吏部查明滿洲蒙古人員有府道丁憂回旗已滿百日在部行走者俱於每年十月內帶領引見一

次即自今歲為始

又

諭滿洲蒙古人員由道府丁憂回旗已滿百日在部行

走者會降旨於每年十月內該部查明帶領引見至

滿員內曾任丞倅州縣丁憂回旗在原衙門行走者

伊等會膺外任於地方事務自較諳習著吏部一併

查明照道府回京人員之例亦於每年十月內帶領

引見一次嗣於四十二年奉

諭兵部武職滿員副將以下丁憂俸滿病痊等事回京

改用京職者照吏部例每年年終帶領引見一次候

朕酌量記名簡用外任其不記名者下次即無庸引

見又四十六年

諭內務府大臣內務府人員擢用道府者丁憂回旗於

百日滿後照例帶領引見其包衣漢軍未曾為內務

府司員者照八旗漢軍人員俟服滿歸部銓選俱著

為令

又

諭吏部議奏嗣後直隸州知州一項請於各部院京察

皇朝文獻通考 卷五十八
保送引見准其一等之主事等官內出具切實考語
保舉引見按班陞用所議尚未允協六部主事分辨
部務有年事多諳練京察時保列一等以之陞補直
隸州知州自堪勝任至太僕寺等衙門主事及與主
事陞轉相同之經歷都事寺丞署正等官平日本無
事可辦實非六部主事可比一旦驟膺直隸州之選
必致踧蹶貽誤嗣後直隸州知州缺出應於六部京
察一等滿漢主事內保舉引見記名銓用其小衙門
之主事等官如有京察保列一等者止可令其改用

六部主事設其中果有才具出眾之員在部復經保
列一等者原未嘗不可錄用庶於慎重吏治甄拔人
材之道均爲有益

四十二年

諭兵部奏請陝西西鳳協副將伸泰母老終養一摺旗
員向無終養之例我滿洲從來淳樸之習但知尊君
効力家計有所弗顧卽外任有因親老情願回旗者
原不妨據實呈明該上司回京當差候朕酌用京職
若照綠營終養之例回京閒住轉屬非是而其人不可

得俸祿亦必致艱窘如因該員養親事畢仍得外用
則旗人更不應如此存心計圖便宜伊等外用原係
朕特恩豈可因此希圖戀職設使奉派出差出兵伊
等亦得因親老呈請終養乎所有嗣後旗人終養之
例著停止其有親老情願回京者准其具呈督撫奏
明送部引見文員以部屬用武員或用侍衛或用旗
職候朕酌量降旨伸泰卽照此例行

定理藩院郎中員外郎留題咨選各事宜吏部議
覆理藩院奏稱滿洲郎中滿洲蒙古員外郎缺出

將一缺留題續出一缺咨部銓補應如所奏辦理
但郎中員外郎內有滿洲蒙古之別請嗣後滿州
郎中滿洲員外郎蒙古員外郎如出三缺准其一
缺留題二缺咨選應以各積各缺計算庶不致混
淆從之

又

諭吏部議請從六品之州同及布政司經歷理問等官
概不准其題陞知縣應如所議但此等人員內或有
才猷出眾者若限於成例未免可惜嗣後著各該督

撫於此等人員留心察看如才具果堪膺民社人地
實在必需者准其專摺奏請

四十三年奏准承德等新政府州縣為題缺吏部
奏熱河同知遵

旨改為承德府知府其八溝等廳改為知州知縣均定
為在外題補之缺從之

定州縣以上酌改繁簡缺不得與佐雜互易吏部
言各省州縣以上選缺改繁而佐雜調缺改歸部
者近日漸多請嗣後各省酌改缺之繁簡按缺分

大小互相更換不准以州縣以上之缺與佐雜互
易從之

又

諭在京各部院堂司等官雖非外任上司屬員可比亦
有管轄考核之責而外姻親屬中如翁婿甥舅之類
戚誼最為親近向例概不迴避究未妥協著該部另
行定議具奏尋議得嗣後京官外姻親屬中母之父
及兄弟妻之父及兄弟已之女婿嫡甥若在同衙
門令官小者迴避其同衙門同官者令後進者迴

避從之

吏部將丁酉科八旗各直省一二等入選拔貢帶領引

見奉

旨以知縣試用者特通阿等十五人以部員用者蘇保等九人餘交吏部以教職佐貳等官用吏部奏蘇保等以部員用者向無成案若照新科進士分部學習之例未免太優請照雍正八年湖北拔貢楊可鏡之例在七品小京官學習行走從之

四十四年

諭三寶奏福建臺灣道張棟三年屆滿應遴員更調請將與泉永道俞成調補其與泉永道係由部請旨之缺應請簡員補用俞成遺缺既請員簡放而張棟回至內地又復空閒待補仍須另請題缺與其多此周折何如卽令對調之爲直捷乎所有與泉永道員缺著卽令張棟補授嗣後如有臺灣道府期滿調回者卽照此辦理著爲令

四十五年停員外郎俸滿截取吏部言前因郎中

不敷陞用於乾隆三十三年十一月奏請將員外
郎二年俸滿截取知府現查各部郎中截取者已
不乏人所有員外俸滿截取之例應請停止從之
又
諭申保於賽哩木沙雅爾兩處所遺阿奇木伯克員缺
並未揀人奏請補授阿奇木乃統理一城事務之人
一經缺出卽當揀人奏請補授如內地道府朕尚知
其賢否有記名者至於回部伯克之賢否朕安得知
之向來阿奇木缺出該城大臣於衆伯克內揀選數

人奏請補授其中開註誰優朕卽准令補授回部各
城駐防大臣當揀其好者保奏不可稍有瞻徇若將
不肖之人瞻徇妄保日久事出較內地妄保府道者
加倍治罪著將此通諭駐防烏什葉爾羌喀什噶爾
哈喇沙爾庫車哈密等回城大臣等務遵朕旨行
又

諭昨因袁守侗奏請將文安縣知縣資原庚改教朕閱
該員出身係在教職任內由舉人本班截取經該撫
給咨赴選得缺後又經特派大臣驗看何以復行改

教因令軍機大臣詳查原驗之督撫大臣併降旨交吏部酌定處分隨據查明資原庚甫於本年二月經該撫李湖驗看給咨四月選授文安縣後係派出之綽克托等驗看則資原庚係屬近日之事其年力衰壯可以一望而知非數年後漸覺衰頹始請改教者比嗣後教職截取選授知縣人員其到任五年後督撫以衰老甄別者則原驗之督撫大臣竟毋庸置議若未屆五年即以衰老被劾則距驗看時甚近何至遽行衰邁其察驗之不實可知即將該督撫及派出

驗看之大臣均照例議處著為令

又

諭嗣後各邊省烟瘴苗疆歷俸未滿離任各漢員除告病終養仍照舊例坐補外其丁憂服闋各員著歸入起復應補班內由部照例銓補所有仍發原省交該督撫酌量題補之例著停止

定議敘人員輪流間補吏部議凡捐餉修書優敘即用之員遇各項應得缺出先用即用一人次用正班一人輪流間補從之

又

諭向來各部院同員保送三庫稅差錢局坐糧廳等項每有將曾經得差之人員未隔數年復行保送者不知在京滿漢司員人數本多此等得項較優之差自應令其均霑普及若出差未久復予保送則從未得差者未免向隅嗣後保送此等差使之員其已經派過者著以十年後方准再送如堂官等違例朦混保送經朕查出及被人叅奏者卽照徇被例議處著爲

令

又

諭向來各部院司員陞調別處者有准留原衙門行走之例固爲熟練事務起見但部院人材不乏斷無少此一二人卽不能辦事之理所有現在各部院奏留人員俱不准仍前行走至刑部爲刑名總滙必得諳悉律例之員理藩院有外藩事件必係蒙古旗員能習能習蒙古文語者奏留之例尚屬可行然亦必帶領引見候朕欽定方可准其仍前行走著爲令
四十六年定護軍出身讀祝等官不准保送理事

同知禮部尚書德保奏向例揀選撫民同知通判
如讀祝官贊禮郎鳴贊三項內有由護軍親軍前
鋒及拜唐阿挑補者均不准其保送今揀選理事
同知通判均係外任請卽照撫民同知通判之例
將由護軍人等出身之讀祝等官均不准其保送
從之

又

諭和珅等奏請將內務府現任筆帖式歸併八旗應考
現任筆帖式內屆期統由吏部請派大臣一體考試

等語固屬酌歸簡易自應如此辦理但各部院衙門
筆帖式甚多內務府筆帖式較少若一體考試勢必
內務府人員考居下等者多嗣後內務府筆帖式著
歸各部院筆帖式一體考試並仿照鄉會試之例分
別字號另列等第以昭平允

四十七年

諭嗣後朕駐蹕熱河時補放世襲佐領祇令正陪人員
前來引見其列名人員毋庸前來

四十八年

諭昨福建建寧鎮總兵缺出軍機處將記名之副將各員名單進呈已簡用王炳矣查閱此外記名者共五員俱係滿洲旗員推原其故皆由各省奏請揀發將備人員而在部候補候選漢員本少是以向來多由侍衛章京滿員保送發往兼之鑾儀衛滿洲漢軍人員又有應得額缺原議未免過優以致各省參將副將等缺滿員居多各該督撫保送亦多滿員外省綠營習氣自不若滿洲之淳樸嫻習弓馬足以整頓營務但不定以限制行之日久各標營均係滿員於綠

營陞遷之途必致壅滯殊非滿漢一視之道所有各省武職自守備以上及鑾儀衛滿洲漢軍額缺並酌量調劑俾漢員陞途得免壅滯旗員亦不致濫冗軍機大臣會同該部分晰議行

又

諭各部院司員陞調別處奏留原衙門行走之例業經降旨停止因刑部爲刑名總匯理藩院有蒙古事件必得熟悉之員是以准其仍兼行走但思奏留人員內如京堂翰林等官本屬閑曹兼各部行走尚無關

皇朝文獻通考 卷五十八
三
礙至科道有糾劾之責未便令其仍兼各衙門辦理
司員事務卽刑部理藩院之熟悉部務司員本部留
以辦事有何不可何必又送科道博陞職之虛名資
掣肘之浮議乎嗣後刑部理藩院概不准兼科道其
果能始終出力該堂官據實奏聞帶領引見候朕以
四五品京堂酌量補用仍可兼部行走

四十九年更定滿漢從六品以下佐雜議敘人員
輪選班次吏部言向來各館修書及各處捐輸議
敘人員酌量分班選用於正班應用人員並無窒

礙近年以來各館奏請優敘者愈積愈多漸至各
項正班應用筆帖式及外任佐貳人員得缺無期
於銓政未爲平允應請將滿漢人員議敘選法另
爲更定庶議敘與正班均得輪流補用

一各部院滿洲蒙古漢軍筆帖式定例各按旗分
用考取三人捐納一人議敘一人繕本一人降調
一人遇有議敘卽用者均應先儘補用乾隆四十
五年十一月內臣部因議敘卽用人多侵佔正班
奏明卽用一人後仍用正班一人輪流間用今查

數年以來各處議敘人員又數倍於前現在正班補期較難今請更定議敘即用一人後用正班三人其有各館夾片奏明不論旗分即用人員亦請仍按旗分入於即用班內統較奉

旨日期先後補用議敘即用者既經如此更定其議敘正班三缺後用者亦應更定爲正缺後用

一專用理藩院蒙古筆帖式定例正班貼寫一人考取一人議敘一人近年議敘即用與議敘各班之前先用者多計正班止用三人而議敘者竟用

至六人正班得缺較難應請更定議敘即用人員用一人後將正班三項各用一人再准議敘先用者用一員再用正班三項各一人輪流間用以昭平允

一外任從六品以下佐雜至從九品未入流等官原定議敘即用一人後用正班一人輪流間用今查漢員議敘向係各積各缺正班止用一人各項議敘皆得到班計正班用一人而議敘者竟至倍蓰正班竟無得缺之日今請更定照滿員議敘之

例無論何項議敘即用先用分缺間用正班幾缺後用與正班幾班後用凡議敘班次相同者各併作一班到班時統較奉

旨日期先後即用分缺間用正班幾缺後用正班幾班後用者止准各用一人再到班時將其次奉

旨之人各用一人週而復始庶議敘與正班均得補用不至偏枯從之

五十年

諭向來各省副將缺出兵部於由部推陞者將本省之

合例應陞叅將同各省俸深及一等卓異人員開單進呈而於應題之缺外省如無合例人員兵部開列請旨則止將記名及一等卓異者繕單進呈其本省叅將及各省俸深人員並不開列雖係向例如此但條例繁多轉易啟吏胥高下其手之弊嗣後各省副將缺出兵部開列時無論部推題補等缺著將本省合例應陞叅將及各省俸深人員與記名及一等卓異者概行開單進呈候朕簡放以昭畫一著為令

又湖南巡撫陸燿疏稱定例官員父母年七十以

皇朝文獻通考 卷五十八
上家無以次成丁或年至八十雖家有次丁俱准
呈請終養至人子出仕有年其父母先已迎養在
署自可朝夕承歡公私兼盡若父母初未隨任在
外者不肯言歸在家者轉出求仕於名教大有關
係查有試用知州李永採據稱伊父年已八十止
有子姪侍奉又試用知縣胡宗定有嫡母在家現
年亦八十該二員俱例應呈請終養今在省候補
正需時日乃皆背棄老親遠來待缺雖其年力均
可委用然方今人才甚多並不少此兩人卽候終

養事竣再出報効亦未爲遲臣爲風俗人心起見
現在勒令回籍終養并通查所屬如有例應告歸
之員卽令呈請歸籍侍養請

敕下各直省督撫不論現任及試用人員凡親年八十
以上及獨子之親年過七十以上者通飭自行呈
明聽其終養似於

皇上孝治天下之至意不無小補得

旨所奏是該部如議行嗣後吏部議奏地方正佐各官
父母年老先已迎養在署者准該員呈明祇修其

陞轉不必概令離任回籍奉

旨此議是依議

又兵部奏向來武職丁憂雖有副將以上回籍守制參將以下在任守制之別而親老改補近省及呈請終養俱係與文職一體辦理今文職親年八十以上及獨子之親年七十以上者既應呈明終養武職亦未敢兩歧應請自千總以下多係本省人員仍遵照舊例外其守備以上亦照陸燿所奏辦理奉

旨兵部具奏武職守備以上各官親年凡八十以上及

獨子之親年七十以上者應否照陸燿所奏呈請終養一摺文武雖無歧視而職任各有不同文職以教孝爲先武職則以教忠爲重是古人於兵革之事不妨奪情而武職當出兵打仗時雖遇私艱仍在軍營宣力情形又殊原不必與文職官員一體辦理也嗣後應丁艱之副將以上著照文職一例行其參將以下如有因親老呈請終養者仍照舊辦理其餘親老者不必概令離任回籍

又

諭現在記名堪勝知府者漸次用完將來遇有缺出不敷簡放著傳諭劉峩薩載富勒渾福康安閔鶚元畢沅農起明與何裕城於所屬同知直隸州內秉公揀選堪膺郡守者二三員具奏並出具切實考語送部引見候朕酌量簡用卽或督撫現屬內難得其人其從前屬員有在別省爲同知直隸州者如果熟悉其才具可勝知府亦准一體保送

又

諭前據何裕城奏請將丁憂知縣王垂紀留辦西安城工一摺已批所奏不可行並諭該撫卽飭該員回籍守制昨又據富綱奏請以丁憂雲州知州宋昌瑋接辦寧臺廠務亦批不必令另選合例之人具奏矣奪情起復非所以教孝敦倫古人惟於軍旅之事偶一行之若地方偶有不靖如撒拉爾逆回等事軍務緊要其承辦軍需之各州縣設遇丁憂該督撫自不妨奏請權令在任守制至城工廠銅非軍務可比有何必須一人始終經理而爲此破例之舉設遇其人病

皇朝文獻通考 卷五十八
三
故又將如何豈必起死回生而後可不致乏員辦事耶大抵該督撫之爲此奏非徇情市恩卽係該員干求請託並非專爲地方政務起見徒令此等在任守制之員坐擁廉俸戀職忘親轉藉王事羈留不得稍盡人子之禮資爲口實於官方政化俱有關係著通飭各省督撫嗣後非遇軍務不得以丁憂人員奏請留任著爲令

又工部議准街道廳管理街道向例由工部步軍統領衙門各選派司官二員都察院選派御史二

員帶領引

見恭候

欽點每衙門各一員工部司員既有部務難以兼顧步軍統領衙門又止有滿員其本衙門事務亦繁卽所派之御史若專止滿員恐該員等住居內城不能常赴外城查閱應請嗣後保送管理街道之御史兼派滿漢各一員俾住居城外之漢御史更得就近不時稽查併查照舊例責成巡城御史各按所管地方協同管理又街道廳向係一年爲滿恐

更換太速未免責任不專嗣後併請仿照巡城之
例統以兩年爲滿方請更換至管理街道之司員
御史及協理之巡城御史如不認真督辦致有道
路不平惰民索詐等弊叅奏議處似此立定章程
庶外城街道整頓有方可以肅觀瞻而便行旅從
之

辟舉

臣等謹按漢初諸王列侯之國惟相命於天子其
御史大夫以下皆自置至州郡別駕長史以及掾

吏皆刺史太守自辟是猶沿襲三代封建時諸侯
薦人於天子二卿命於天子一卿命於其君之制
不知既舉封建而郡縣之又使其長得自辟僚屬
不惟啟大權旁落之漸亦殊非官方畫一之規我
朝無辟舉之令一命以上皆歸於吏部或外省督撫
陛辭之日自請攜帶人員隨往委用嗣卽停止我

世宗憲皇帝許督撫保舉幕賓限年奏請錄用亦不數行
至於保舉堪任言職及經學人員皆分別補用其
白首窮經癯老不能至都者並蒙

皇朝文獻通考 卷五十八
異數給與職銜附辟舉卷內以備我

朝之掌故云

順治二年

詔舉秦中山林隱逸并錄用故明文武進士舉人十二年

陳科臣朱徽奏請飭督撫無論前代遺紳與山林隱

逸果有才堪理民學足輔世者覈實具奏該部覆

覈卽加擢用其不願仕者亦准以原官休致庶四

方向風人才輩出下所可議行

十七年四川道御史楊素蘊奏言臣閱邸報見平

西王吳三桂恭請陞補方面一疏以副使胡允等

十員俱擬陞雲南各道并奉差部曹亦在其內臣

不勝駭異夫用人國家之大權惟

朝廷得主之從古至今未有易也卽前此經畧用人奉有

吏兵二部不得掣肘之

旨亦惟以軍前効用各官或五省中人地相宜資俸應得

者酌量具題從未聞以別省不相干涉之處及見

任京官公然坐缺定銜如該藩今日者也且該藩

疏稱求於滇省旣苦索駿之無良求於遠方又恐

叱馭之不速卽如所言湖南蜀省去滇稍近猶可
計日受事若京師山東江南等處距滇省萬里不
知所謂逕更何在也况該藩用人

皇上所以特假假宜者不過欲就近調補無誤地方耳若
盡天下之官不分內外不論遠近皆可擇而取之
則何如歸其權於吏部照常銓授尤爲名正言順
也卽雲貴新經開闢料理乏人諸臣才品爲該藩
所知亦宜先行具題奉

旨俞允然後令吏部照缺銓補猶不失權宜之中計乃徑

行擬用無異銓曹不亦輕名器而褻國體乎夫古
來人臣忠邪之分其故莫不起于一念之放肆在
該藩敷歷有年應知大體卽從封疆起見未必別
有深心然防微杜漸當慎於機先伏乞

天語申飭令該藩嗣後惟力圖進取加意綏輯一切威福
大權俱宜稟命

朝廷則

君恩臣誼兩得之矣疏入報聞

康熙十九年雲南巡撫伊闕奏請將隨行人員坐

名題補

上諭大學士等曰此等坐名隨行人員果堪用者亦復何
害乃一時倉卒奏請往往不能盡當如知府知縣等官
俱將此輩補授徒誤地方此後坐名題補各員概爲停
止吏部仍照例銓補

雍正元年吏部奉

諭旨各省督撫衙門事繁非一手一足所能辦勢必延請
幕賓相助其來久矣但幕賓賢否不等每有不肖之徒
勾通內外肆行作弊黜陟屬員則清濁混淆申理訟獄

則曲直到置敗督撫之清操誤督撫之功名彼則置身
事外飽橐而去殊屬可恨夫今之幕賓卽古之叅謀記
室凡節度觀察等使赴任之時皆徵辟幕僚功績果著
卽拜表薦引彼愛惜功名自不敢任意苟且嗣後督撫
所延幕客須擇歷練老成深信不疑之人將姓名具奏
如効力有年果稱厥職行文咨部議敘授之職位以示
砥礪該部詳議具奏尋議各省督撫應將幕客姓名造
冊報部勤慎無過者照應得職銜卽用無職銜者
量給職銜特疏舉薦者從優議敘如徇私保舉照

一 徇庇例議處從之

六年內閣奉

諭旨向來督撫赴任之時有奏請將平日所知人員帶往以備委用者朕因督撫事務甚繁欲得素所熟悉之人以收臂指之效事屬可行是以允從所請令其帶往酌量題補近聞督撫等帶往人員在地方不甚相宜或羣相趨奉而指為上司之腹心或妄生議論而以為上官之偏袒其中弊端日生以致流言不少朕思所帶之二三人其得力者有限而阻眾人効力之心且督撫等果

公正精明善於察吏則闔屬中豈無有廉幹之員可相信以心相資為理者何必帶往之一二人是賴而啟眾口之擬議乎除已經到任之後因本地要缺奉旨題補不必解任外如楊文乾陳時夏莽鵠立及各省督撫大吏從前所請帶往之人目今見在屬下者俱著回京請旨另用

乾隆元年奉

諭旨尚書楊名時奏薦進士莊亨陽舉人潘永季蔡德峻秦蕙田吳拔貢生官獻瑤監生夏宗瀾等七人皆

醫心經學可備錄用楊名時見管國子監事務所薦
莊亨陽等七人著該部調來引見為該監屬員聽楊
名時等分委辦事以收成均課士之益

宣統二年

詔地方有才品優長山林隱逸之士著該督撫核實具
奏酌予錄用

七年奉

諭旨朕御極以來廣開言路虛心納諫其言是者不次
超擢未是者亦曲子優容科道官當體朕心於國家

綱紀政事利弊官吏賢否民生休戚一一據實指陳
方為無忝厥職乃黽勉盡言者固不乏人而或者以
許為直務自取為名高而朝廷卒不獲其益者亦復
不少此皆用匪其人官不稱職朕亦不能辭其咎也
夫言官為風紀所關止為身謀則將來或因以分門
樹異或因以植黨營私必致惑人心而搖國是史冊
所垂足為殷鑒古者諫無專官故進言之路廣三代
而下始設官而責之以言然如馬周陽城之起布衣
而為御史其事猶可風也茲特降諭旨著大學士九

卿擇其素所深知其人有骨鯁之氣直樸之風而復
明通內外政治者不拘資格列名封奏朕將量加錄
用焉其外而督撫於各屬員中有深知灼見可備糾
繩之任者亦准列封奏

十六年選舉經學人員先是乾隆十四年奉

諭旨聖賢之行本也文末也而文之中經術其根柢也
詞章其枝葉也翰林以文學侍從近年來因朕每試
以詩賦頗致力於詞章而求其沈酣六籍含英咀華
究經訓之闡奧者不少槩見豈篤志正學者鮮與抑

有其人而未之聞與夫窮經不如敦行然知務本則
於躬行爲近崇尚經術良有關於世道人心有若故
侍郎蔡聞之宗人府府丞任啟運研窮經術敦樸可
嘉近者侍郎沈德潛學有本源雖未可遽目爲鉅儒
收明經致用之効而視獯祭爲工剪綵爲麗者迥不
侔矣今海宇昇平學士大夫舉得精研本業其窮年
矻矻宗仰儒先者當不乏人奈何令終老牖下而詞
苑中寡經術士也內大學士九卿外督撫其公舉所
知不拘進士舉人諸生以及退休閒廢人員能潛心

經學者慎重遴訪務擇老成敦厚純樸淹通之士以
應精選勿濫稱朕意焉至是大學士九卿等保舉經
學人員遵

旨再加核實以聞疏上奉

諭旨保舉經學之陳祖范吳鼎梁錫璵顧棟高既據大
學士九卿等公同覆核衆論僉同其平日研窮經義
必見之著述朕將親覽之以覘實學在京者俱交送
內閣進呈其人著該部帶領引見在籍者行文該督
撫就取之朕觀其著述另降諭旨或赴部引見或年

老不能來京者聽嗣於八月奉

諭旨據王師摺奏保舉經學之陳祖范顧棟高年力老
邁不能來京陳祖范顧棟高俱著賞給國子監司業
職銜以爲績學之勸所有著述留覽尋授吳鼎國子
監司業授梁錫璵額外司業

三十八年

諭前據辦理四庫全書總裁奏請將進士邵晉涵周永
年余集舉人戴震楊昌霖調取來京同司校勘業經
降旨允行但念伊等現在尚無職任自當予以登進

之途以示鼓勵著該總裁等留心試看年餘如果行
走勤勉實於辦書有益其進士出身者准其與壬辰
科庶吉士一體散館舉人則准其與下科新進士一
體殿試候朕酌量錄用

四十五年

諭原任陝西巡撫畢沅保奏之關中書院掌教進士戴
祖啟著加恩以國子監學正學錄用

皇朝文獻通考卷五十八



